



Universitätsbibliothek Paderborn

**Exempla, In Septem Capitalivm Vitiorvm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 10. Dei Filij erga peccatorem exprobratio.

[urn:nbn:de:hbz:466:1-49161](#)

X.
D E I F I
L II ERGA
P E C C A T O -
R E M E X -
P R O B R A -
T I O .

Quapropter, proxima nocte, desperato iu-
 ueni, in tenebris trepidanti, neque vlla salu-
 tis remedia circumspicienti, aliis se stitit
 vir conspiciendum, luce clarissima resplendens.

Erat hic aspectu longè iunior priore; ceterū
 ab imagine atque vultu prioris non multū
 abludens. Quanquam habitu atque ornatu
 valde diuerso. Neque enim longa illi palla
 fuerat, sed nudo propemodum corpore ince-
 debat; in capite coronam è spinis acutissi-
 mis contextam, in humero ponderosæ crucis
 arborem gestans. E lateris plaga, tanquam
 è fontis perenni scaturigine, sanguis illi ebulliebat.
 Hic talis talique aspectu vir ad agrū,
 in lecto, solicite vigilantem accessit, atque
 voce haud obscura interrogans dixit: *No-*
stine me, qui sim? O ouem verè errantem;
 quæ neque vocem, neque vultum Pastoris
 sui norit! Quousque tandem se se ignorantia
 etiam hominis Christiani extendit, ut neque
 sciat, neque agnoscat Redemptorem! Iuuenis
 enim interroganti respondit: *Non noni, quis
 sis, sed, nisi me oculi frustrantur, illi haud absi-
 milis es, qui funestissimo, hesterna nocte, nun-
 cio me externauit.* Cui rursus is, qui ponè
 astitit, aiebat. *Ne mirare, si illi similem me vi-
 des, cum quo, in una eademqz diuinitate similis
 mihi*

mibi honor , similisq; gloria sempiterna debetur.
Sum etenim IESVS CHRISTVS Dei Fi-
lius, quem, humani generis amore, infinita mea
misericordia è cœlo traxit , in virgineum Marie
Matris mea uterum. Vnde mortali carne indu-
tus, velut sponsus, de thalamo processi. Ita Domi-
nus formam serui accepi , & in similitudinem
hominum factus, Mundo me meamq; infinitam,
in corpore, ostendi bonitatem. Cui viam ad cœlū,
verbis, signis, prodigijs, exemplis demonstravi;
meritis aperui. Fatigatus enim, fame atque siti
cruciatus, aestum & frigora passus, opprobrijs
saturatus, tandem, in latronis modum, captus,
iniquissime accusatus , iniustissime damnatus,
ignominiosissima deniq; & crudelissima morte in-
terfectus sum, ut dinina iustitia, pro tot iniurijs,
ab hominibus Deo illatis, satisficeret. Quando igi-
tur tu , ô infelicissime iuuenis, horum omnium
a me acceptorum beneficiorum immemor, merita
mea, & gratiam omnem pedibus conculcauisti, ec-
ce hoc veni, & adsum , ut tibi indicem, filium te
esse aeterna damnationis. Dixit, &, cum dicto,
manibus exceptum desfluentem è lateris pla-
ga recentem calentemque sanguinem , indi-
gnabundus in faciem decumbentis proje-
ens hæc addidit: In ignominiam tuam accipe

Z 2

sanguis

sanguinem pretiosum, qui in salutem tuam aliorumq; effusus est. Hæc effatus desijt videri.

XI.

EXTREMA
PER CVLA
SAEPE
DOCENT
SAPERE.

Diuina hac voce iteratò fulminatus adolescens, spe & animo destitutus, pallido & buxante vultu, ac toto corpore contremiscens, cùm nesciret, quid sibi consilij, in rebus tam deploratis, capiendum esset, vbi primum diluculauit, extemplo pium suom fratre jussit accersiri; quem antè, vt anguem erat auersatus. Sed multos sæpe extrema pericula, ad extrema remedia compulerunt: vt que arcta fames, optimum cibi condimentū, etiam mucidum panem sapidum facit; ita summa necessitas grata reddit, à quibus ante abhorrebamus. Adfuit illico vocatus, & se vocari lætus, sibi pariter ac fratri est ex animo gratulatus. Verùm vbi eius tam miserandum aspexit vultum, vt videretur sibi fratrem, in ipso fratre, amisisse; vehementissimè obstupescens, cœpit ingemiscere, atque vbertim lachrymare. Venit mihi hîc in mentem id, quod de amicis Iob scriptum legimus. Nam audientes tres amici Iob omne malum, quod accidisset ei, venerunt singuli de loco suo, Eliphaz Themanites, & Baldat Subites, & Sophar Naamathites. Condixerant enim, vt pariter venientes visitarent eum, & consolarentur.

Iob. 2. II.